



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ad Iesvitarvm Assertiones, Ex Epistola Priori Divi Pavli ad Timotheum, in Schola Dilingana disputatas, quibus totum Papatum stabilire conati sunt, pia responsio

**Bidembach, Wilhelm
Osiander, Lucas**

Tvbingæ

VD16 B 5358

Volo ergo iuniores nubere.

urn:nbn:de:hbz:466:1-36892

excellentiam compræhendisset. Licet nos, inquit, aut Angelus de Cœlo. Non quia sancti cœlestesq; Angeli peccare iam possint, sed hoc est quod dicit. Si etiā (inquit) fiat, quod nō potest fieri, quisquis ille traditā semel fidē mutare tētauerit, anathema sit.

Glossa interlinearis, quæ in Ecclesia est receptissima, dicit, primā fidem hoc loco significare, vel votum, vel in voto violato Baptismi fidem.

Nicolaus de Gorra in eundem modū intelligit dicens: vel primum votum G E N E R A L E, fidē scilicet Baptismi, qua Christo despontatæ erāt. Osee 2. Spōsabo te em in fide, &c. Quæ igitur sic aduersus Christum (iuxta veritatē gr̄cam) luxuriatur, infringens voti baptismatis fidē, meritò condemnationē habet.

Eant nunc Iesuitæ, & mentiantur O M N E S C A T H O L I C O S P A T R E S, qui occasione aliqua verba hæc exposuerunt, per primam fidem intelligere, votum vel promissionem castitatis, aut hos iam recitatos scriptores proclament hæreticos, apostatas, & apostatarum patronos, quibus flosculis nos à progenie viperarum ornamur.

I E S V I T A E.

Volo ergo iuniores nubere.

III. Non eas, quæ castitatem Deo voverunt, soluit Apostolus In hunc locum, lege voti (ut recte Ambrosius, Oecumenius, Sedulius, & Anselmus annotarunt) quod quamvis fecisset, Apostolica vel diuinæ v̄sus fuisset auctoritate, quam bodie multi non requirunt, sed ipsi sibi plusquam Pontifices sunt & Apostoli. Sed præcipit,

principit, ne in posterum ad viduarum vota vel professionem
admittantur iuniores, quas etiam nubere vult, atq; filios pro-
trare. Hoc autem ideo vule, ut Ambrosius & Oecumenius,
imo & verba ipsius Apostoli significant, quod exempla quæ-
dam mala præcesserant iuuenclarū viduarum, quæ post votū
castitatis, sponso Christo concepto, sicutæ fuerant Satanam.
Recte autem admonet Hieronymus, voluntatem Apostoli, quæ Hierony. epist.
hic declaratur esse coactam (non enim eas nubere vellet, si in ^{ad} Geruntiam.
professa castitate constantes fore consideret) liberam vero &
absolutam illam esse, quam alibi verbis illis manifestauit:
Volo omnes esse, sicut meipsum.

RESPONSI.

Bene est, quod vel tandem in hac positione fatens-
tur, Apostolica vel diuina autoritate posse eas, quæ
castitatem voverunt, solui religione voti. Num ve-
ro qui hodie ex sacrarum literarum fundamentis de
impietate Monasticorū votorum eruditī, & de mu-
tando in melius vitæ genere, probè in conscientia
confirmati, ex istis vestris ergastulis profugiunt, &
nubere quam viri malunt, num inquam, alia quam
Apostolica & diuina autoritate hoc faciunt? Non-
ne Apostolica authoritas est: Melius est nubere
quam viri: Nonne diuina authoritas est: Non omnes
capiunt verbum hoc: Et: Frustra colunt me doctrin-
is ac mandatis hominum: Certe qui his authorita-
tibus fratri, etiam post vota matrimonii contrahunt,
non sibiipsis Dij & Apostoli sunt: sed Dei & Apo-
stolorum mandata sibiipsis applicant: & quia haec ad

Z iii se

se quoque pertinere sciunt, recte & ex fide faciunt, quod spreta Pontificia authoritate, Deo malunt obdire quam hominibus: & Christum vnicum totius Ecclesiæ sponsum cū sponsis suis sequi malunt, quam Ecclesiæ adulterum, Papam, cum meretricibus. Vetus quidē Canonistarū cātilena est, votū cōtinente soli Papæ dispensabile esse. Sed nos iam dudū dīdicimus, his decretis nō obedire, sed oppedere. Ea enim plerūq; vt iuuēculæ illæ viduæ, contempto Christo sponso totius Ecclesiæ, Satanā & Papam sequuntur.

Porrò Hieronymum scimus ad Geruntiam Paulio duplēcē affingere voluntatē: aliam coactā, quā indulget nuptias, nubere volentibus: aliam liberā, qua præcipiat innuptis, vt innuptæ permaneāt. Sed hic error Hieronymi tam est crassus, vt illum Erasmus etiam Roterodamus depræhenderit. Qui dum huic epistolæ Hieronymianæ aliquot præmittit antidota, hoc etiam præmittit: In hac, inquit, epistola, duriusculē ac pene contumeliosè insecatur digamiam. In Paulo ponit duas voluntates. Alteram, qua voluerit id quod vere probauit, hoc est, monogamiam: Alteram, qua nolens voluit, hoc est, permisit quod nō probauit, ne quid deterius accideret, vt digamiam. Hæc Erasmus. Nec est quod vel Hieronymus, vel Iesuitæ sibi blandiantur illo Pauli non precepto sed optato voto: Velim omnes esse, vt & ipsi sum. Non enim dissuadet, multo minus prohibet cōiugium, quod & honestum est & diuinitus institutum: sed cū ponit sibi ob oculos præsentia pericula & afflictiones, ac videt cōiugia priorū non parū habere difficultatis eo tempore, in medio impiorū ethniorū, optat Corinthijs trāquillitatē & securitatē: Arbitri

tror (inquiens) hoc bonū esse, propter præsentē ne-
cessitatē. Et: Velim vos absq; solitudine esse. Et ta-
mē videt ipse, hoc optari magis quā sperari posse.
Postquam n. dixisset: Velim omnes homines esse,
vt & ipse sum, continuo subiicit: Sed vnuquisq; pro-
prium donum habet ex Deo, aliud quidem sic, aliud
autē sic. Et postea: Non vt laqueū vobis iniiciā. Cō-
iugium igitur donū Dei est, non quidē ita tranquil-
lum semper, vt cœlibatus: donū tamen Dei, nō tan-
quam inhonestū dissuadēdum, nec tanquam sordidū
pedibus cōculandū. Et qui sine discriminē tempos-
tū ac personarū adigit homines ad cœlibatū, nō vo-
cat eos ad libertatē, sed iniicit eis laqueum. Quid au-
tē coacta vel virginitas, vel viduitas pdesse soleat,
in quā horrenda scelera, & in qualem damnationis
voragini (vt Canones loquuntur) præcipitet, & his
storiæ tradunt, & experientia docet, & vel vna hæc
pj Pōtificis vox testatur, quam Platina refert: Fuis-
se quidem aliquas causas, cur ademptū sit sacerdoti-
bus coniugiū, sed multo maiores esse causas, cur redi-
debeat. Et Hulderichus scribit, Gregorium, repres-
tis in piscina illis sex millibus capitib; infantum,
suo Decreto, quo causam tantę cedis præbuerat, pe-
nitut dānato, Apostolicū illud laudasse cōsiliū: Me-
lius est nubere, quā viri: addidisseq; ex sua parte:
Melius est nubere, quā mortis causam præbere,

IESVITÆ.

Dicit enim scriptura: Non alligabis
os boui trituranti, & dignus est operarius
mercede, &c.

Igitur